



Die Schiinheilige



Mir Leue vom Leue, müen ab und zue au Pfunde
 Jä nach em Pfunde, liegt dr Schissdräck, vor em Leue unde
 Mir löns lo ligge, düen uns nid schämme
 Dr Schissdräck putzt dr Weggli zämme.

Dr Weggli wüscht dr Drägg ewägg ewägg ewägg
 Jä er wüscht dr Drägg ewägg ewägg ewägg

Leue-Delly:
 D`Sybille und dr Weggli mache alles zum uns beglücke
 Er putzt d`Scheisse und sie duet dr Wiehnachtsbaum schmücke

Dr Pinocchio dä duet immer bim liiege
 No viel die längerer Naase kriege
 Wenn ä langi Nase vom Liiege bechunnsch, mach ich ä Wett
 Dass dr Wolf Reto die längschi hett.

Leue-Delly:
 Ich mach no ä zweeti Wett
 Dass er sini Nase vergoldet het

Dr Weggli wüscht dr Drägg ewägg ewägg ewägg
 Jä er wüscht dr Drägg ewägg ewägg ewägg

Am Landfescht chasch bim Kassesturz teschte
 Welle Chlöpfer isch do ächt am Beschte
 S`Barbara Peterli findet die Würscht alli z`chlei
 Die gröschi Wurscht het sie dehei

Leue-Delly:
 In mim Kochbuech hät ich ä Rezäpt am Start
 Für ä grosse, garnierte Wurschtsalat

Dr Weggli wüscht dr Drägg ewägg ewägg ewägg
 Jä er wüscht dr Drägg ewägg ewägg ewägg

Dr BiBo erschieht in total neuer Norm
 Ä neu Schrift, ä neu Farb, ä neu Form
 Ä neus Design, ä neus Konzäpt, nüd bliibt bim alte
 Nur dr Küng Schorsch dä hän sie müesse bhalte

Leue-Delly:
 Dr Schorsch het, loset es isch nid übertriebe
 Scho bim erschte BiBo nur Schissdräck gschriebe

Dr Weggli wüscht dr Drägg ewägg ewägg ewägg
 Jä er wüscht dr Drägg ewägg ewägg ewägg

Wie guet dass es bi uns Sperrguetabfuhr git
 Dr alt Grümpel wo nümmi bruchsch, dä gisch dört mit
 Au d`Manu het dr alt Grümpel vo dr Bar nümm welle
 Und duet drum dr Hürzi an Strooserand stelle

Leue-Delly:
 Ä Elsässer duet alles Sperrguet in Lieferwage stelle,
 nur dä Hürzi het au er nid welle

Dr Weggli wüscht dr Drägg ewägg ewägg ewägg
 Jä er wüscht dr Drägg ewägg ewägg ewägg

S`halbe Dorf het sich s`neue iPhone kauft
 Und will jetz wüsse wie die neu Technik lauft.
 Dr eint oder ander das hän mir vernoh
 duet bi dr Gsichtserkennig vor Problemlu stoh
 Bim Wolf Reto gohts Problem scho los
 Sini Nase isch jo schliesslich z`gross
 Bi dr Hess Sandra unserem Kosmetik-Spatz
 Hets grosse Muul uf dr Kamera gar kei Platz
 S`Buebedorf Ruth duet s`iPhone nonig füre hole
 Sie muess zersch ihri Fassade ä ganzi Stund bemoole
 Wo d`Frau G an ihrem iPhone handiert,
 isch es verschrocke und grad explodiert
 Dr Saladin Ruth ischs egal wie`s iPhone funktioniert.
 D`Hauptsach isch, dass ihres stark vibriert.
 Dr Weggli duet sis iPhone gar nutze
 Viel lieber duet er chli Schissdräck zämmeputze

Dr Weggli wüscht dr Drägg ewägg ewägg ewägg
 Jä er wüscht dr Drägg ewägg ewägg ewägg

750 Joor Ettige, do gits nid viel z`sage.....

Dr Weggli wüscht dr Drägg ewägg ewägg ewägg
 Jä er wüscht dr Drägg ewägg ewägg ewägg